



# Tuhaqtitjut

## Nunavut Hivuliqti Aanniaqtailiqinikkulu Minister havaqatigiingniarhimayuq hivunighaanut nutqaqtirutip ilagiit aaniqtirutaanut

**Dissaipa 9, 2010**  
**IQALUIT, Nunavut**

---

Hivuliqti Eva Aariak Nangariyauyuqlu Tagak Curley uplumi hailihiyuk uuminga tuharunmik:

“Kavamanga Nunavut hanaqiniaqtuq ikayurutaanut hakugingniqaqnianut, vital nunallaat ittunik tamaita Nunavunmiut ilaillut inuuyut kayakkutiqarnaittuni, pimmariktaunirni ilvingni, pimmaqluktaungittut aanniqtitaungittuniklu.

Nutqaqtiqtiniq ilagiinut aaniqtirut Nunavunmi turaangayuq Tamapta hanaqilluaquyainni ikayuutighaq qayakkutigiyayunut nunallaaptiingni, hanaqtijutimut inuqatigiinut ayurhautainnut tungaviani, ihuarhiyuumirut inuuhirmut ihuinnaarutitilqinnagit.

Havainiq nunallaat Kanatami huituuyaariyauhuirutaanik aaniqtirutaanut arnanut, atauhiuluta hanaqipkarniahimirutikput uumunga kavamamut iniqtirutighaanut hivunighamut ukiumi, nutqaqtijutaanut ilagiit aaniqtirutaanut Nunavunmi.

Anginia havaagham iniriirhimaliqtuq. 2006-mi, katimaryuarut taiyauyuqa *Inuuqatigiitsiarniq*-mik ilautjutaupluni inungnik tamanganit Nunavut. Avatqumayut 100 ilauyut ilitturhaiyut ihuarhautaa aaniqtirutip qaiyunaittuq hilataanit nunallaap kihimi ittuq iluani ihuarhautighaq.

Katimayut hailihiyut 78 uuktugaghanik taapkuninga, ilaqarluni naunaiqtunik tatja Inuuhiliqinikkut Ihivriurniqmut, hanatjutauniaqtut hivunighamut iniqtirutighaat naunaitkutighaanut. Hivunighaq, tungaviqaqtuq taiyauhimagayunut talvani Inuuqatigiitsiarni-runmi, ilaqatiqarlutik nunallaanik kavamalla paannariigunmik hanaqtijutipta nutqaqtirutighaanut ilagiit aaniqtirutaanut uplumi hivuniptingnilu.

Havaqtiqarluta nunallaanik angikliyuumiqtirutaait hakugingniutait nutqaqtittaami ilagiinut aaniqtirut. Ahitqutvighaittugut haffumuuna; naniyuk *hauyugut* ihuaghijutighaanut. Atayuq inuuhinnut piqpagiyapta, ilingaiyautighaanut Nunavut, hivunighaanullu nutaqqapta.”

###

Emily Woods  
Tuhagaghanut Titiraqti  
Havakvia Hivuliqtip  
Kavamanga Nunavut  
(867) 975-5059  
karitauyakkut: [ewoods@gov.nu.ca](mailto:ewoods@gov.nu.ca)

News releases are available in Inuktitut, English, Inuinnaqtun and French on [www.gov.nu.ca](http://www.gov.nu.ca).  
Tuhagtaghat ittut Inuktitut, Qablunaatitut, Inuinnaqtun Uiviititullu talvani [www.gov.nu.ca](http://www.gov.nu.ca).  
Les communiqués de presse sont disponibles en inuktitut, en anglais, en inuinnaqtun et en français à : [www.gov.nu.ca](http://www.gov.nu.ca).